

DEROPHTHALMA n. gen.

Corpus ovale, dense sericeum. Caput transversum, valde declive vel verticale, apice triangulariter productum; fronte subtumida; verticis margine haud vel vix conspicue carinato. Oculi magniusculi, marginem anticum pronoti tangentes. Antennae inter se remote insertae, articulo primo capite paullo brevior, secundo apicem versus sensim sat incrassato, primo circiter triplo longiore, tertio primo admodum et quarto primo quasi nonnihil longioribus. Rostrum coxas intermedias non attingens, articulo primo basin capitis non superante. Pronotum antrosum convexo-declive, punctatum, strictura apicali valde obsoleta, marginibus lateralibus convexis, haud carinatis, margine postico medio et ad humeros lenissime sinuato. Scutellum pone medium valde tumido-elevatum, punctatum. Hemelytra impunctata, sat ampliata, ad costam leviter arcuata; cuneo latitudine basali haud longiore, declivi, fractura minima; membrana sat magna, areola externa magniuscula, extus arcuata, interna minuta. Alarum areola hamo destituta, unco costali valido. Prostethium mucro antice excavato parumque elevato et mesostethium postice excisum carina media longitudinali modice elevata instructa. Ostiola odorifera magna. Pedes mediocres; femoribus infra serie setarum parvarum et tibiis ubique setis minutissimis instructis; tarsorum posticorum articulo terminali duobus primis nonnihil crassiore et his simul sumtis aequilongo, primo secundo tertia vel quarta parte et tertio primo duplo longiore.

« Gen. *Stethocono* FIEB. sat similis, differt structura capitis, oculis a pronoti margine apicali haud remotis, structura antennarum, corpore haud piloso. » (RUFER). Divergit praetera marginibus lateralibus pronoti haud carinatis, margine postico subtrisinuato, scutello valde tumido-elevato, cuneis brevioribus, mucro prostethii parvo et antice